

Խ Ա Չ

Ի նուէր Ալփ . Լամարդինի անմահա-
կան համբաւոյն և գրաւորական ար-
դիւնաշատ կենացը՝ կ'ընծայենք իրեն
շիրմին վրայ՝ միանգամայն իբրեւ ջինջ
հայելի իւր հոգւոյն գովելի զգացմանցն
ույատկութեանց , և իբրեւ դոյզն պսակ
գովեստից և յարգանաց՝ առաջիկայ գե-
ղեցիկ տաղիս հայ թարգմանութիւնը ,
որ իրեն կրօնական դաշնակութեանցը
մէջ ընտրեւագոյններէն մէկն է . իսկ մե-

զի համար քան զայլ ամենն աւելի ըն-
տիր այս պարագայիս մէջ . յորում՝ ինչ-
պէս կը տեսնեն մտադիր ընթերցողք ,
բովանդակեալ են իրեն ամենայն իղձքն
յեւս վախճանի մահուն զեղմամբ սրտի ,
և ամենայն անձկանօք հոգւոյն առ Աս-
տուած . և յորում միտքը կը ծփի ընդ մէջ
խանդաղատանաց , յուսոյ և համակա-
մութեան , և 'ի մէջ ջերմեռանդն յիշա-
տակաց լի քաղցրամօք տրտմութեամբ :

Ո՛վ զոր առի ես 'ի շըրթանցն ոգեսպառ
Ընդ շունչն յետին և ողջունիւրն վերջնոյ ,
Նիշ սուրբ և սուրբ , պարգև ձեռինն տրկար ,
Պատկեր իմոյս Աստուծոյ :

Որչափ լալեօք ոտք քո թացան պաշտելի
Ի ժամէն սուրբ՝ երբ 'ի ծոցոյ վըկային
Անկար 'ի ձեռս իմ՝ դողդոջուն յերերի
Ի շունչն յետին դեռ ջերմին :

Ջահք սրբաւնուէր ցայտէին հուսկ բոցոյ հուր
Մընչէր երէց զերգըս մահուն քաղցրաձայն .
Հանգոյն զոր կին եղանակէ երգ տրխուր
Ի նիրհ հանգչել անդ մանկան :

Ի ճակատուն կայր հետք յուսոյն բարեսէր ,
Եւ վսեմափառ գեղով փայլեալն ընդ դիմօք
Մահուն շըբեղ վայելչութիւն կընքեալ էր
Վաղանց ցաւոյն շընորհօք :

Գրգուեալ հողմոյն ըզհերարձակն իւր գըլուխ ,
Մերթ մերկանայր և մերթ ծածկէր ըզդիմակ .
Որպէս 'ի ծուփ ծածան ըստուերք նոճեաց թուխ
Յարձան շիրմին ըսպիտակ :

Ի մահագոյթ կախէր մահճաց մին բազուկ
Միւսն 'ի սըրտին վերայ կըրկնեալ թուլակի ,
Եւ գոգ խընդրէր և 'ի շըրթունսն առ անձուկ
Պընդէր զպատկեր Յիսուսի :

Համբուրաշարժ շըրթունքն էին կիսամեռ ,
Այլ էր թուուցեալ հոգին ընդ սուրբն այն համբոյր .

Զերդ սըլացիկ խունկ չե 'ի հուր կիզեալ դեռ
Ծախ' 'ի բոցոյն սպառըսպուռ :

Առ ցուրտ շըրթամբքն հանգչէր համայն ինչ յայնժամ .
Շունչք լըռէին 'ի խոր ծոցոյն նիրհելոյ ,
Եւ հոլովէր կիսով ամփոփ բիրն ական
Յաչսըն թափուրս 'ի տեսոյ :

Եւ երկիւղիւ զանխուլ հարեալ ես յոտին ,
Ո՛չ բաւէի առ վեհ նըշխարն այն մատչել ,
Իբր այն մահու թէ վեհութեանըն լըռին
Սըրբագործեալ զնա լինել :

Ոչ բաւէի . . . այլ լեալ ըզգաստ լըռելոյս ,
Ցըրտասարսուռ կալեալ մատամբքն ըզխաչիկ
« Ա՛հ՝ յիշատակն , ասէ երէցն , լ՝ ահա յոյս ,
Կա՛լ , որդեակ իմ , զայսոսիկ » :

Այո՛ դու ինձ կացցես , բաժին տըխրական .
Եօթնիցըս ցարդ մերձ առ շիրման անանուն
Տընկեալ ծառոյս ոստոց սաղարդք փոխեցան .
Դու ոչ լըբեր զիս համբուն :

Ուր բնաւք մաշին , աւա՛ղ , 'ի սիրտ մերձ դու յայս
Զայդ անմոռաց կալար յաւէտ յամս ամաց .
Եւ չիթ առ չիթ 'ի գիրդ կակուղ փըղոսկր այս
Կընքեցան հետք իմս աչաց :

Սաւառնաթեւ հոգւոյն վերջին դու ընկեր ,
Ե՛կ լեր 'ի սիրտ իմ , խօսեաց դեռ լ՝ ասասջիր
Զոր բարբառէրն՝ երբ ըզմըմունջ իւր երեր
Դու լոկ համայն լըսէիր :

Ի պահն այն խէթ , մինչ ամփոփեալ յինքն հոգին
Քօղածածկեալ ըզմեր բըրօք մըթալից
Զոփայ տակաւ զերծ յազգեկեաց մեր ցըրտին
Անլըսող հուսկ ողջունից :

Մինչ գայթ 'ի գայթ 'ի մէջ կենաց և մահու
Առ գիշերաւ շիրմին հոգիս կախեալ կայ ,
Անջատ յոստոյն հանգոյն պըտղոյ մի ծանու
Ի՛ առ մէն մի շունչ իւր դողայ :

Մինչ երգախառն հեծեծանաց տըրամութիւն
Զարթուցանեն ոչ այլ զոգւոց մեր թըմբիր ,

Մ'ած 'ի շըրթունս օրհասական անկերոյն ,
Զինչ բարեկամ սիրալիր ,

Զանձուկ շաւղին առ 'ի դիւրել զահափետ ,
Առ ամբառնալ առ Տէր զաշկունսն աղեկէզ ,
Համբուրելիդ դու մըխիթար երկնաւէտ ,
Զինչ բարբառիս , ասա՛ մեզ :

Ըզմեռանել գիտես և դու , և յունայն
Աղօթըս քո յահեղամեծ գիշերոյն
Ըզձիթենւոյն ոտս արտասուքդ աստուածեան
Թացին ցայգուէ մինչ յայգուն :

Առ մեծ խորհուրդս յառեալ քո զակն 'ի խաչէն
Ընդ լալեաց մօր տեսեր ըզսուդ բընութեան .
Ըզսիրելիս թողեր հանգոյն մեզ աստէն ,
Եւ ըզմարմինդ 'ի տապան :

Լիցի հիքիս վասըն մահուանս այս իցիւ ,
Տալ 'ի ծոցին քում զայս ըզշունչ ցաւագին .
Ո՛վ ո՛ր մեռարդ , յիշեա ըզժամ քո լըրիւ
Ի գալ պահուն այն վասն իմ :

Գրտից ըզվայրն ուր դա շըրթամբք ոգեսպառ
Զանդառնալին մընչեաց ողջոյն ոտից քոց .
Եւ ռահահորդ հոգին զհոգիս իմ թափառ
Աժցէ իւրում Տեառն 'ի ծոց :

Տայր ոք , ո՛հ տայր , անդ 'ի մահճին իմ տըխուր
Իբրև զուարթուն յարտօսր անդորր և տըրտում ,
Դէմք ցաւագեաց ոք 'ի շըրթանցս իմ առնոյր
Զօծեալ բաժինս իմ այսգոյն :

Պընդեա՛ ըզբայլն և դիւրեա՛ զժամ իւր յետին .
Եւ գրաւըդ սուրբ ակընկալեաց սիրալիր
Գամքան ըզգամ անց յայնմանէ որ մեկնին
Առ մընացեալն 'ի յերկիր :

Մինչև հերձեալ զկամարս հողոյն մըթագին
Զայն ըզմեռեալս կարդայ եօթնիցս 'ի յերկինս .
Եւ զնընջեցեալս թեզ յաւերժն ընդ խաչին
Զարթուցանէ՛ միասինս :